

Izjava: Visoki predstavnik će se 19. jula obratiti Zastupničkom domu Parlamentarne skupštine BiH

Visoki predstavnik Paddy Ashdown će se obratiti Zastupničkom domu Parlamentarne skupštine BiH na sjednici koja će se održati 19. jula, kada će Dom razmatrati stav institucija BiH u vezi sa mandatom visokog predstavnika.

Visoki predstavnik pozdravlja i ohrabruje ovu debatu kao dio procesa kretanja BiH u pravcu potpune državnosti. Deset godina je prošlo od potpisivanja Daytonskog mirovnog sporazuma. Visoki predstavnik je po svom dolasku kazao da će mjeriti uspjeh svog mandata po tome koliko je BiH blizu one pozicije u kojoj visoki predstavnik više nije potreban.

U svom obraćanju Zastupničkom domu visoki predstavnik će pozdraviti zaključke Venecijanske komisije u svojoj ocjeni napretka BiH od 11. marta 2005. godine. Visoki predstavnik će obavijestiti zastupnike u Domu o svojim ciljevima tokom posljednjih mjeseci svog mandata, o onim elementima ovlasti visokog predstavnika koji bi se prema njegovim predviđanjima mogli prvi prenijeti na bh. organe vlasti, te na koji način bi se moglo nastaviti približavanje BiH Evropskoj uniji.

Visoki predstavnik će naglasiti da će stvarna mjera spremnosti Bosne i Hercegovine za ovu promjenu biti sposobnost za privođenje kraju ključnih reformi, uključujući reformu policije i reformu odbrane, koje predstavljaju ključne preduslove za početak pregovora o stabilizaciji i pridruživanju, odnosno za članstvo u Partnerstvo za mir.

Visoki predstavnik će podsjetiti zastupnike da Sporazum o

stabilizaciji i pridruživanju pruža priliku BiH da promijeni prioritete sa onih u kojim dominira prošlost na priorotete u kojim dominira budućnost, pri čemu bh. organi vlasti preuzimaju punu odgovornost za budućnost Bosne i Hercegovine.

Nakon obraćanja visoki predstavnik će odgovarati na pitanja zastupnika u Zastupničkom domu.